

M O N I T A

Quædam pro

Sacerdotibus MISSIONARIIS.

BEnjamin, Dei & S. sedis apostolicæ gratia episcopus Prusensis, vicarius apostolicus, &c. sacerdotibus missionariis tam sæcularibus, quàm regularibus, in nostro districtu nobiscum in vineâ Domini laborantibus, salutem & benedictionem.

Excitati, fratres charissimi, apostolicis monitis sanctissimi in Christo patris nostri Benedicti papæ xiv. in suis pastoralibus litteris ad nos nuper directis, officii nostri esse duximus vestram etiam charitatem monitis nostris excitare, ut unitis nobiscum studiis, totis cordibus, totisque viribus, ea omnia præstare satagatis, quæ in hoc missionis apostolicæ ministerio, ad maiorem Dei gloriam propagandam, nostramque & proximorum nostrorum salutem procurandam maximè conducunt. Ea autem hæc fere esse videntur.

I. Fratres dilectissimi, ut nostræ propriæ sanctificationi studiosè incumbamus. *Quid enim proderit homini, si mundum universum lucretur, animæ verò suæ detrimentum patiatur?* Matt. xvi. 26. Nostram autem sanctificationem vix, aut ne vix quidem procurare poterimus, nisi piis meditationibus & orationis mentalis praxi quotidie insistamus; & mediam saltem horam singulis diebus mane huic sancto exercitio impendamus: Alioquin enim quotidiano hoc animæ cibo deficiente, meritò timendum erit ne & spiritus ecclesiasticus & religiosus in nobis deficiat, & quod quibusdam contigisse dolemus, in spiritum mundanum penitus degeneret. Necesse etiam erit examinationi conscientie quartam saltem horæ partem quotidie impendere; & quod etiam monet sanctissimus pater, semel saltem in anno per dies aliquot in spiritualibus exercitiis insumptos, spiritum mentis nostræ renovare.

II. Siquid apud alios docendo & prædicando proficere velimus, necesse erit ut nos ipsis omnium virtutum formam

A T T 2) 1512/1024

& exemplar exhibeamus ; præsertim verò *Humilitatis, Mansuetudinis, Modestiae, Temperantiae, & Charitatis* : ut unusquisque nostrum cæteris fidelibus dicere possit cum apostolo, I Cor. xi. i. *Imitatores mei estote, sicut & ego Christi.* Parum enim proderunt verba nostra, si non confirmentur exemplis. Hinc longè sit a nobis vestium luxus & superflua corporis cultura ; utpote quæ vanitati mundanæ famulatur, & ab evangelicâ simplicitate & humilitate nimis abhorret : longè omnis verborum asperitas & iracundia a Christi mansuetudine aliena : longè omnis levitas & scurrilitas ; multoque magis periculosa cum mulieribus familiaritas, quæ nonnunquam incautis sub prætextu pietatis obrepit : longè omnis cibi potusque intemperantia, inimica crucis Christi. Longè denique à nobis abigatur desidia, vitiorum omnium parens ; turpissimum enim est sacerdotes (qui cæteris fidelibus præire & prælucere deberent in arctâ & laboriosâ salutis viâ, eosque verbo & exemplo ad Christianæ perfectionis studium excitare,) desidiosam vitam agere, somno indulgere, aut pretiosum suum tempus prodigere in popinis, vel aliis domibus publicis, in nocturnis compotatorum societatibus, in aleæ aut chartarum lusu, in spectaculis profanis, in ludis publicis, in venatione & similibus, quæ omnia, tanquam statum ecclesiasticum dedecentia, clericis per sacros canones interdicta sunt.

III. Memores esse debemus nos missionarios esse apostolicos, in messiem hanc divinitus destinatos, ut fructum plurimum afferamus : atque adeo omne tempus nostrum, labores omnes, omnes orationes & sacrificia eò potissimum dirigi debere, ut omnibus omnia facti proximorum animas Deo lucremur. Nullam igitur prætermittamus opportunitatem, verbi Dei publicè vel privatim fidelibus prædicandi, quod sanè præcipuum est pastorum munus ; pueros & ignaros instruendi ; peccatores ad poenitentiam, infideles & hæreticos ad fidem & ecclesiæ communionem invitandi ; fideles ad sacramentorum dignam frequentationem, & alia pietatis exercitia, præsertim vero ad orationis mentalis quotidianam praxim inducendi ; iisque pro cuiusque captu veritates & virtutes evangelicas ita proponendi, ut & diaboli pompas ac mundanas vanitates contemnere, & ad perfectionem Christianam aspirare studeant.



IV.

IV. Et quoniam SS. D. N. in suis pastoralibus litteris episcopos omnes monet, ' ut in id potissimum incumbant, ut quicumque animarum curam gerunt, diligenter diebus saltem Dominicis aliisque festis de præcepto, plebes sibi commissas, pro suâ & earum capacitate, pascant salutari- bus verbis, docendo ea quæ Christi fideles ad salutem scire oportet, ac explicando divinæ legis capita, fideique dogmata, & pueros ejusdem fidei rudimentis imbuendo: ' Idcirco vos omnes oramus & obtestamur in Domino, ut in re tanti momenti nullus vestrum officio suo desit: Præsertim verò, ut qui ampliores habent congregationes curæ suæ demandatas, verbum Dei illis annuntiare nunquam omittant: & ut tam hi, quam alii omnes missionarii præcipuam curam habeant, ut fideles sibi commissi in fide & in moribus Christianis plenè instruantur; & ad sacramenta rite suscipienda debitè disponantur: Catechismum etiam singulis hebdomadis pueris & rudioribus dilucide exponant; curentque, quantum possunt, ut et reliqui fideles catechismo assistant, quos ad hoc ecclesia indulgentiarum largitione allicere studet; parentes etiam & patresfamilias graviter admoneant officii sui, ut liberos & servos suos ad lectionem catechisticam mittant,

V. Illud etiam vos monitos volumus, fratres charissimi, ut in sanctissimo missæ sacrificio peragendo, in sacramentorum administratione, in omnibus denique functionibus sacerdotalibus, eam gravitatem, reverentiam, ac devotionem exhibeatis, quæ tantum ministerium decet: ut ritus ab ecclesiâ præscriptos diligenter observetis: ut ab omni indecorâ verborum & cæremoniæ præcipitatione, quæ grave scandalum fidelibus generare solet, studiosè abstinatis: ut diligatis decorem domus Dei; atque adeo curetis, ut omnia quæ ad altaris ministerium & missæ sacrificium pertinent nitida sint & munda; & ut vinum pro sacrificio genuinum sit & purum, quod cauponum & tabernariorum nequitia plerumque in his regionibus adulterari solet.

VI. Et quoniam nihil ad communem causam divinæ gloriæ & salutis animarum promovendam magis conducit, quam ut operarii omnes in hac vineâ Dominicâ laboran-

tes summâ animorum concordia Domini sui opus perficiant; exhortamur vos omnes, & obtestamur per pretiosum sanguinem redemptoris, & sacro-sancta mysteria pacis & unitatis, quæ quotidie celebratis, ut pacem & concordiam cum fratribus & co-operariis vestris præ omnibus colere & fovere, & mutuis officiis & benevolentis alterutrum promereri, omniaque animorum offendicula pro viribus amovere studeatis. Quod si (quod absit) aliquid vel in fide erroneum, vel in moribus scandalosum, in aliquo missionario deprehendatur; & privata admonitio minimè profutura videatur; legitimis superioribus in spiritu charitatis denuntietur: ita tamen ut quantum fieri potest & famæ delinquentis parcatur, & pax communis nulum patiatur detrimentum.

VII. Scire etiam debetis, fratres charissimi, opera misericordiæ tam corporalia quam spiritualia, a vobis pro viribus exercenda esse. Si enim hæc pietatis Christianæ officia cæteros fideles graviter obligant, quanto magis pastores animarum? Hinc vestrum est pro viribus pauperes fovere, captivos juvare, ægrotos invisere, & ad confessionem ac reliqua sacramenta tempestivè suscipienda disponere; iis vero præsertim frequenter adesse, quorum vel major necessitas, vel magis imminens mortis periculum, majorem pastoris diligentiam & frequentiore præsentiam efflagitat. Vestrum etiam est moerentes & afflictos consolari, negligentiores officii sui admonere; peccantes arguere, in spiritu tamen lenitatis; pusillanimes in spem erigere, dubios consiliis vestris dirigere; dissidentes ad pacem & concordiam revocare; prudenter tamen, ne dum pacem procurare satagitis, litibus acrioribus & magis scandalosis ansam præbeatis; quod facile contingere potest, si favore aliquo, vel indebito affectu, aut partium studio in hujusmodi negotiis vos duci patiamini.

VIII. Publicis autem vitiis & abusibus pastorali zelo vos opponere debetis; & publicos peccatores a sacramentis prohibere, nisi de eorum conversione & poenitentia constet: Publici autem peccatores censendi sunt, usurarii notorii, concubinarij, histriones qui comœdias impudicas exhibent, & alij similis farinae infelices homines in vitiis & peccatis mortalibus notoriè sordescentes. Caveatis autem, fratres

fratres, ne si cum huiusmodi hominibus adulatoriè agatis, eosque per conniventiam vestram in pessimo suo statu fo-veatis, cum illis etiam descendatis in locum illum tormentorum, ubi vermis non moritur, & ignis non ex-tinguitur.

IX. Quod ad sacramentorum administrationem attinet, ea a vobis religiosè observanda sunt, quæ in rituali Ro-mano præscribuntur. Fidelibus præsertim inculcandum, ut liberis suis sacramentum baptismi quamprimum admini-strari procurent. Hæretici pro patrinis nullo modo admit-tantur. Cæremoniæ baptismi pro astantium numero & qualitate a vobis diligenter exponantur, & tam parentes quam patrinis, officii sui graviter admoneantur. Ad con-firmationis etiam sacramentum suo tempore suscipiendum fideles curæ vestræ subditi vestrâ diligentia disponendi sunt, & sacrosancti hujus signaculi desiderio inflam-mandi.

X. In sacramento poenitentiae administrando, præci-pua cura vobis adhibenda est, ut officio vestro omni ex parte satisfaciatis. Ad hoc autem multum necessarium est, ut per assiduas preces divinam opem quotidie efflagitetis, ut quotiescunque opus hoc aggredimini, orationem ali-quam præmittatis, quâ sancti spiritus gratiam & lumen tam vobis quam poenitentibus vestris humiliter imploretis; ut dum confessiones auditis, vos teneatis, quantum vos finet humana fragilitas, in præsentia Domini vestri, & ad eum frequenter aspiretis. Patienter autem audiat con-fitentes, & mansuetè eos alloquamini; quod si increpandi sint, id non fiat nisi post declarationem peccatorum, nec unquam dimittantur nisi piè moniti.

XI. Memineritis etiam, fratres, adjuvandos esse a vobis poenitentes (præsertim rudiores) per opportunas inter-rogationes, ut peccata sua integrè confiteantur, tam quoad speciem, quàm quoad numerum & circumstantias necessario declarandas: verecundiores etiam sæpe examinandos esse, prudenter tamen & castè, de quibusdam peccatis, quæ aliter præ pudore nunquam confitebuntur. Vestrum etiam esse conari poenitentes ad dolorem & contritionem effica-cibus

alibus verbis excitare; eosque ad vitam emendandam & rectè in posterum instituendam inducere; & idonea peccatorum remedia ipsis præscribere: Item ritè dispositis absolutionis beneficium impertiri, indispositis negare; dubiè dispositis regulariter differre; occasiones peccatorum proximas diligenter investigare & amoliri, & inveteratas criminum consuetudines perfringere & abolere.

XII. Sacrum autem confessionis sigillum inviolabiliter observate; nec unquam præsumite uti scientiâ ex confessione acquisitâ ad aliquid faciendum vel omittendum, unde poenitenti gravamen qualecunque possit generari. Sed neque de rebus in confessione auditis unquam loquamini, (etiam ubi abest omnis suspicio personæ) nisi forte in casu necessitatis pro consilio capiendo; nec unquam coram laicis, qui ex hujusmodi sermonibus grave plerumque scandalum patiuntur.

XIII. In matrimonii quoque administratione cautos vos admodum esse oportet, ut salubres ecclesiæ regulas, quantum in nostris circumstantiis fieri potest, fideliter observetis. Diligenter inquirete num aliquod subsit impedimentum inter personas, quæ matrimonio conjungi desiderant: quod si vagi & ignoti sint, nolite eos matrimonio conjungere; nisi prius idoneis argumentis doceant nihil esse legitimi obstaculi quominus licitè contrahant. Juniores regulariter admittendi non sunt ad matrimonium, absque consensu parentum vel tutorum; nec opificum tyrones absque consensu magistrorum. Sed neque fidelium quenquam ad matrimonii sacramentum suscipiendum admittere debetis, qui non prius sacramentali confessione peccata sua purgaverit. Catholicos etiam quantum potestis avocare debetis a nuptiis cum hæreticis contrahendis; & prave illos contractus prohibere, quibus nonnunquam paciscuntur ut liberorum pars in hæresi educetur. Curate etiam ut in omni matrimonio duo saltem, vel tres testes assistant.

XIV. Poenitentes vestros, quantum fieri potest, avocare debetis ab hæreticorum libris de religione tractantibus, aliisque vel obscenis, vel superstitiosis, vel blasphemis co-
dicibus;

dicibus ; deterrere etiam ab eorum conventiculis & concionibus, vel aliis falsæ religionis ritibus frequentandis ; nec omnino permittendum ut Protestantium catechismus quovis prætextu a Catholicis, vel liberis, vel pupillis, vel scholaribus suis prælegatur ; cum apertissimam hæresim contineat in articulo eucharistiæ.

XV. Abusus contra sacram jejunii legem irrepentes pro viribus rescindere debetis ; & apostolicam quadragesimalis jejunii observantiam, (de quâ etiam ad nos nuper perscripsit sanctissimus pater) sartam tectam tueri : Fidelibus quoque studiosè inculcandum, ut non quærant dispensationes absque necessitate ; sed potius studeant sanctam hanc poenitentiam in spiritu poenitentiae fideliter perficere ; & eleemosynas pro suâ facultate cum jejuniis suis conjungere : jejunium autem feriæ sextæ antiquitus, ut videtur, cum ipsâ religione Christianâ in Britannia receptum, quod multis canonibus & decretis confirmatum ad nos usque consuetudine descendit, labefactari ne permittatis.

XVI. Monere etiam vos debemus, fratres dilectissimi, ut ab omni turpis lucris desiderio alienos vos semper præbeatis : nihilque pro functionibus vestris exigatis ; sed contenti sitis iis quæ sponte offeruntur. Quod autem ad missarum stipendia attinet scire debetis, nupero decreto sanctissimi Domini nostri, districtè prohibitum esse, ne quis stipendia majoris pretii colligens pro missis celebrandis, eas pro minori stipendio celebrari faciat, retentâ sibi parte stipendiorum, sub poenâ, si laicus sit, excommunicationis, sedi apostolicæ reservatæ, ipso facto incurrendæ ; si vero clericus, vel sacerdos sit, sub poenâ suspensionis, similiter reservatæ, ipso facto pariter incurrendæ.

XVII. De missâ bis in die celebrandâ, quid observari velit sedes apostolica, patet ex facultatibus, episcopis vicariis apostolicis concessis, § 23, ubi postquam episcopis prædictis licentiam concessit, *Celebrandi bis in die, si necessitas urgeat ; statim subjicit, caveat verò ne prædictâ facultate seu dispensatione celebrandi bis in die, aliter*

aliter quam ex gravissimis causis, & rarissimè utatur, in quo graviter ipsius conscientia oneratur. Quod si hanc eandem facultatem alteri sacerdoti, juxta potestatem inferius apponendam, communicare, aut causas eâ utendi alicui, qui a S. sede hanc facultatem obtinuerit, approbare, visum fuerit, serio ipsius conscientiaë injungitur, ut paucis duntaxat, iisque maturioris prudentiaë & zeli, & qui absolute necessarii sunt, nec pro quolibet loco, sed ubi gravis necessitas tulerit, & ad breve tempus eandem communicet, aut respectivè causas approbat. Hæc ibi: quibus æquum & necessarium est nos in praxi conformari.

Denique, fratres dilectissimi, Deum semper præ oculis vestris habete; preces vestras ad illum sine intermissione dirigite, ut & labores vestros benedicere, & tam vos quam animas vobis commissas gratiâ suâ sanctificare, & ad omne bonum promovere; & infidelium ac peccatorum tenebras suo lumine dispellere dignetur. Ipsum semper & ubique consulite: beatissimam etiam virginem, & sanctos, præsertim hujus regni, angelos quoque tutelares eorum cum quibus versamini frequenter invoke. Nihil temerè definiatis, & in rebus majoris momenti, inconsultis superioribus nihil attentetis. Et Deus omnis gratiæ & veritatis vos custodiat, protegat & benedicat; ac post breves hujus vitæ labores, ad requiem suam sempiternam perducatur. Amen.



F I N I S.

Just Published,

Printed for F. NEEDHAM, Bookseller in *Holborn*, in two vol. price 6 shil. in Sheets, the Third Edition of, *The Instruction of Youth*, with Additions, corrected and amended.

Also just published,

MEMOIRS of Missionary Priests, as well Secular as Regular, and of other Catholicks of both Sexes that have suffer'd Death on religious Accounts in *England*, from 1577 to 1684.—Part first, containing from 1577, to the End of *Queen Elisabeth's* Reign. Price five shill. bound in Calf.

N.B. *Also all sorts of Catholick and other Books, at very low Rates; and Books bound, gilt, and letter'd in the best Manner, at reasonable Prices.*

in
ne
us
ui
m
it,
rii
t,
u-
est

alis
ri-
nas
um
fuo
on-
im
bus
tis,
ihil
sto-
res,

vol.

ded.

ar as
have
1577
ad of

low
er, at